




**Treffen der Schweizer
und Deutschen HSPler
in Konstanz am Bodensee**



Am Wuchenendi vom 16. bis und mit 18. Oktober 2020, hei sech 4 Persone us dr HSP-Gruppe Schwyz und 2 Persone us dr HSP-Gruppe Dütschland in Konstanz troffe. Irgendwie und irgendwann het d Monika Möller (Regionalgruppenleiterin Baden-Württemberg, www.hsp-verein.de) ä Nachricht vom Thomas Lebelt (www.hsp-schweiz.ch) übercho, wo selber ar HSP erkrankt isch.

Nachem erschte Kontakt über WhatsApp und E-Mail isch beschlosse worde, sech persönlech z treffe, wüü feschtgestellt isch worde, dass mir üs vui zum Vrzelle hei.

A dem Wuchenend hei mir vui Informatione ustuscht, hei dr Ratgeber und Flyer besproche u hei feschtgestellt, dass d Schwyz ca. 60 Mitglieder und Dütschland fasch ds 10-fache à Mitglieder hei, auso ungefähr 600.

Mir hei vrsuecht, üs überwiegend uf Hochdütsch z unterhalte und hei dadurch o üse Spass gha bzw. fragendi Gsichter, wenn dr eint oder ander öppis uf Schwyzerdütsch oder Schwäbisch vzellt het. Am Abe bi Prosecco und Mineral, isch d Idee vo de Schwyzer ufcho, üs im Summer 2021, nomau ds Konstanz z treffe und drbi chli meh Mitglieder mitzbringe, was zum ne Erfahrigsustuscht zwüsche de Schwyzer, de Dütsche und villich o Öschtricher würd cho. Mir löh üs lah überrasche, was d Zuekunft bringt und ob mir üs persönlech in Konstanz am Bodensee werde gseh oder ob mir ds Treffe über Skype oder Zoom werde führe (Corona laht leider lah grüesse).